

冲虚至德真经四解

冲虚至德真經四解卷之十四

德三

湯問

周穆王西巡狩越崑崙不至弇山反還未及
中國道有獻工人名偃師

中道有國獻此工巧之人也

穆王薦之

薦當作進

問曰若有何能偃師曰臣唯

命所試然臣已有所造願王先觀之穆王曰

日以俱來

日謂別日

吾與若俱觀之

盧曰神用之妙豈唯聲色香滋味咸及
其理矣故此章言刻象之盡微

越日偃師謁見王王薦之曰若與偕來者何
人邪對曰臣之所造能倡者倡作優也穆王驚視
之趣步俯仰信人也巧夫領其頤則歌合律
捧其手則舞應節千變萬化惟意所適王以
爲實人也與盛姬內御並觀之

卷三

穆天子傳云盛姬穆王之美人

技將終倡者瞬其目而招王之左右侍妾王
大怒立欲誅偃師偃師大懼立剖散倡者以
示王皆傳會草木膠漆白黑丹青之所爲王
諦料之內則肝膽心肺脾腎腸胃外則筋骨

支節皮毛齒髮皆假物也而無不畢具者合會復如初見

如向者之始見王也

王試廢其心則口不能言廢其肝則目不能視廢其腎則足不能步

此皆以機關相使去其機關之主則不能相制御亦如人之五藏有病皆外應七孔與四支也

盧曰夫內肝膽心肺所以能外為視聽行步神識運之乃為生物耳苟無神則不能

用其五根矣今造化之生物亦何異於偃
師之所造耶若使無神自同於草木神苟
在也動用何足奇耶木人用偃師之神故
宜類彼生物也神工造極化何遠哉

穆王始悅而歎曰人之巧乃可與造化者同
功乎詔貳車載之以歸

近世人有言人靈因機關而生者何者造
化之功至妙故萬品咸育運動無方人藝
麤拙但寫載成形塊然而已至於巧極則
幾乎造化似或依此言而生此說而此書

既自不爾所以明此義者直以巧極思之
無方不可以常理限故每舉物極以往近
惑豈謂物無神主耶斯失之遠矣

夫班輸之雲梯墨翟之飛鳶自謂能之極也
班輸作雲梯可以凌虛仰攻墨子作木鳶
飛三日不集

弟子東門賁禽滑釐聞偃師之巧以告二子
二子終身不敢語藝而時執規矩

時執規矩言其不敢數之也

盧曰夫偃師之精微神合造物班輸之輩

但巧盡機關以明至妙之功不可獨循規矩也

政和假於異物託於同體寓百骸象耳目視聽言貌趣步俯仰若性之自爲而不知爲之者則其巧妙其功深獨成其天有人之形豈特幾乎以其真哉偃師之造信乎與造化同功者矣雖然生者假借也道與之貌天與之形亦異以異於此

范曰崑崙者安靜之丘弇山者日入之所越崑崙而不至弇山則雖欲戾動而之靜

未能去明而即幽故反還而已偃師之倡
功同造化領其頤則歌合律若天籟之自
鳴捧其手則舞應節若天機之自動千變
萬化惟意所適穆王驚而視之信以爲實
人也曾不知其傳會華木膠漆白黑丹青
之所爲而已彼進乎技者然耳又況體道
之人通乎物之所造者宜如何哉

甘蠅古之善射者設弓而獸伏鳥下

箭無虛發而鳥獸不敢逸戰國策云更羸
虛發而鳥下也

弟子名飛衛學射於甘蠅而巧過其師紀昌。
者又學射於飛衛飛衛曰爾先學不瞬而後
可言射矣紀昌歸偃卧妻之機下以目承牽
挺牽其機二年之後雖錐末倒背而不瞬也以
告飛衛飛衛曰未也

盧曰夫虛弓下鳥者藝之妙也巧過其師
者通於神也妙在所習神在精微也先學
不瞬精之至也以目承蹠而不動者神定
之矣定而未能用故曰猶未也

必學視而後可

盧曰此用不瞬以爲視也

視小如大視微如著而後告我

盧曰視審也則見小如大矣

昌以輦懸虱於牖南面而望之旬日之間浸
大也三年之後如車輪焉以觀餘物皆丘山
也

德五

四

視虱如輪則餘物稱此而大焉

乃以燕角之弧朔蓬之絳射之貫虱之心而
懸不絕

以彊弓勁矢貫虱之心言其用手之妙也

以告飛衛飛衛高蹈拊膺曰汝得之矣

盧曰視小如大貫之不足為難

紀昌既盡衛之術計天下之敵己者一人而已乃謀殺飛衛

盧曰欲摧其能擬過其師法耳欲滅飛衛之名非謂斷其命也矣

相遇於野二人交射中路矢鋒相觸而墜於地而塵不揚飛衛之矢先窮也紀昌遺一矢既發飛衛以棘刺之端扞之而無差焉

盧曰二矢同道相及而勢盡故墜地而塵

不飛者微之甚也以棘刺朽之不差審之至也

於是二子泣而投弓相拜於塗請爲父子剋臂以誓不得告術於人

秘其道也此一章義例已詳於仲尼篇也

由三

盧曰此所謂神交而意得也非矢之藝故投弓而誓焉神契方傳矣故不得以術告之也

政和內有所定然後在外者能有所應微有所審然後於其著者能無所遺伯昏瞀

人謂列子曰汝怵然有恂目之志於中也
殆矣夫蓋謂其內不能有所定也紀昌先
學不瞬而以目承牽挺者以此莊子曰自
大視細者不明蓋謂其微不能有所審也
昌以釐毛垂虱而望之浸大者以此蓋不
通乎此而善射者寡矣

范曰夫射於百步之外其至爾之力也其
中非爾力也故教人射者必志於殼而學
之者亦必志於殼豈非力分之內可學而
能力分之外不可勉而至故耶飛衛學射

於甘蠅而術過其師固有得於自然之天性者夫人之身居於內則心爲之主接於物則目爲之先故神舍於心而其機常寓於目紀昌學射於飛術必告之先學不瞬者蓋欲其神全於內然後忤物而不懼故也然不瞬而已猶非其至古之養勇亦有所謂不目逃者若夫視小如大視微如著棲睫之蟲見若嵩山則又庶夫徐以神視者矣故能殼燕弧貫懸虱而不射之射得之在我焉迨其久既盡穿楊之巧乃彎射

羿之弓抑何虛矯恃氣而以爭術尚勝爲心耶故始而相遇於野則交射而矢鋒相觸已而相拜於塗則投弓而剋臂以誓夫學射之賤猶且不得告術於人又況夫體道在已而進於不傳之妙者耶

卷三

六

造父之師曰泰豆氏

泰豆氏見諸雜書記

造父之始從習御也執禮甚卑泰豆三年不告造父執禮愈謹乃告之曰古詩言良弓之子必先爲箕良冶之子必先爲裘

箕裘者皆須柔屈補接而後成器爲弓冶者調筋角和金鐵亦然故學者必先攻其所易然後能成其所難所以爲諭也

盧曰箕者所以造弓之具也裘者所以扇冶之具也老子以爲橐籥今之鞴袋也彼以約弓之牀此以扇火之鞴非弓冶而弓冶必資之也

汝先觀吾趣

趣行也

趣如吾然後六轡可持六

馬可御造父曰唯命所從秦豆乃立木爲塗

○僅可容足

幾得女脚

計步而置

○

䟽槩如其步數

履之而行趣走往還無跌失也造父學之三日盡其巧秦且歎曰子何其敏也得之捷乎敏疾也捷速也

凡所御者亦如此也

盧曰立木如足布之如步七莊子云側足之外皆去其土則不能履之者必不定也若御馬者亦如使其足則妙矣

曩汝之行得之於足應之於心推於御也齊輯乎轡銜之際而急緩乎脣吻之和正度乎

胃臆之中而執節乎掌握之間內得於中心而外合於馬志是故能進退履繩而旋曲中規矩取道致遠而氣力有餘誠得其術也得之於銜應之於轡得之於轡應之於手得之於手應之於心則不以目視不以策驅心閑體正六轡不亂而二十四蹄所投無差廻旋進退莫不中節

與和鸞之聲相應也

然後與輪之外可使無餘轍馬蹄之外可使無餘地未嘗覺山谷之險原隰之夷視之一

也。吾術窮矣。汝其識之。

夫行己之所踐。容足而已。足外無餘。而人不敢踐者。此心不爽。體不閑。故也。心爽。體閑。即進止有常數。遲疾有常度。苟盡其妙。非但施之於身。乃可行之於物。雖六轡之煩。馬足之衆。調之有道。不患其亂。故輪外不恃無用之轍。蹄外不賴無用之地。可不謂然也。

盧曰。莊生解牛云。其骨也有間。其刀刃也無厚。無厚入有間。恢恢然有餘地也。言其

理則多暇也不規足外之地則其志專志
專利運足如其心矣若移之於轡銜易之
於駟駿常轍應足何所傾危世人皆求其
末而不知其本識真之士必求其本然後
用之故射御之末藝猶須合道焉

德三

政和中無主而不止外無正而不行此性
習相成之道也故致道者必始之以習及
其得道也乃能成之於性良弓之子必學
爲箕良冶之子必先爲裘所以喻習也立
木爲塗僅可容足計步而置履之而行所

以使之習也蓋立木爲塗僅可容足推之於御故與輪之外可使無餘轍馬蹄之外可使無餘地計步而置履之而行推之於御故山谷之險原隰之夷可使視之如一齊輯乎轡銜之際而急緩乎脣吻之和所謂外合於馬志者也正度乎臂臑之中而執節乎掌握之間所謂內得於中心者也進退履繩而旋曲中矩言其服御如此取道致遠而氣力有餘言其順適如此轡係銜者也故得之於手應之於轡手執轡

者也故得之於體應之於手心運手者也
故得之於手應之於心至於不以目視不
以策驅而迴旋進退莫不中節則若性之
自然而不知爲之者此之謂善御

范曰紀昌學射於飛衛飛衛不教之以射

卷三

而教之以先學不瞬造父學御於泰豆氏

九

泰豆氏不教之以御而教之以先觀吾趣

蓋引而不發開而弗達使之深造乎自得

之妙而已射御末技猶且然爾矧夫道可

傳而不可受則示於此者正容而悟觀於

彼者目擊而存所謂自得其得宜如何哉。
觀泰豆之御方其始也齊輯乎轡銜之際
急緩乎脣吻之和正度乎胃臆之中而執
節乎掌握之間內得於中心外合於馬志
故能進退履繩而旋曲中規矩取道致遠
而氣力有餘則由於法度之中未嘗敢越
有如此者追其久也得之於銜應之於轡
得之於轡應之於手得之於手應之於心
不以目視不以策驅心閑體正六轡不亂
二十四蹄所投無差迴旋進退莫不中節

則超乎法度之外不勉而中有如此者若夫要其終而言之則輿輪之外無餘徹馬蹄之外無餘地未嘗覺山谷之峻原隰之夷視之一也則又無適而非行無行而非道舉平與陂道通爲一奚往而不暇哉道

乎進其至此進乎技矣

魏黑卵以睚嫌殺丘邴章

睚嫌私恨

盧曰夫以私嫌而殺傷嗜慾而夭物者皆

世俗之常情非有道之士也

丘邴章之子來丹謀報父之讎丹氣甚猛形

甚露計粒而食順風而趨雖怒不能稱兵以報之。

有膽氣而體羸虛不能舉兵器也。

恥假力於人誓手劔以屠黑卵黑卵悍志絕衆力抗百夫筋骨皮肉非人類也延頸承刃。

卷三

十

披胷受矢銛鏑摧屈而體無痕捷負其材力視來丹猶雛鷺也來丹之友申他日子怨黑卵至矣黑卵之易子過矣將吳謀焉來丹垂涕曰願子爲我謀申他曰吾聞衛孔周其祖得殷帝之寶劔一童子服之却三軍之衆吳

不請焉

盧曰天地至精之物但以威制於三軍若以斷割爲功非至精者也

來丹遂適衛見孔周執僕御之禮請先納婁子後言所欲孔周曰吾有三劍唯子所擇皆不能殺人且先言其狀一日含光視之不可見運之不知有所觸也泯然無際經物而物不覺二曰承影將旦昧爽之交日夕昏明之際此面而察之泱泱焉若有物存莫識其狀其所觸也竊竊然有聲經物而物不疾也

三曰宵練方晝則見影而不見光

與日月同色也

方夜見光而不見形

言其照夜

其觸物也騾然而

過

暗伏切

隨過隨合覺疾而不血刃焉此三寶

者傳之十三世矣而無施於事

十二

害物匣而藏

之未嘗啓封來丹曰雖然吾必請其下者孔

周乃歸其妻子與齋七日晏陰之間

晏陰跪暮也

而授其下劔來丹再拜受之以歸

以其可執可見故授其下者

盧曰器珍者則害物深至道至精無所傷

物

來丹遂執劍從黑卵時黑卵之醉偃於牖下
自頸至腰三斬之黑卵不覺來丹以黑卵之
死趣而退遇黑卵之子於門擊之三下如投
虛黑卵之子方笑曰汝何蚩而三招予來丹
知劍之不能殺人也歎而歸黑卵既醒怒其
妻曰醉而露我使我嗑疾而腰急其子曰疇
昔來丹之來遇我於門三招我使我體疾而
支彊彼其厭我哉

○ 盧曰夫道至之人無傷於萬物萬物之害

亦所不能傷焉故毒蟲不螫猛獸不攫故
物之至精者亦無傷老子曰其神不傷人
是以聖人貴夫知者何以其不傷於萬物
者也

政和含光者襲明而不耀承影者處陰而
不移宵練曉之時練有形之質含光則無
有也故視之不見運之不有經物而不覺
承影則若有若無故雖莫識其狀而且或
聞其聲宵練則既有矣爲其有形之質也
故晝見影焉爲其處晦之時也故夜見光

馬道以無爲上若有若無次之而固於有
者爲下故三劍含光爲上承影次之宵練
爲下來丹之所受者其宵練與然是三者
不以斬決爲勝亦皆劍之神者矣天下有
常勝之道直之無前運之無旁而天下服

德三

十二

豈在於擊闔爲哉故莊子以斬領決肺爲
庶人之劍也惜乎來丹不通乎此知劍之
不能殺人而後歎何以爲常勝之道乎

范曰黑卵則道之復乎至幽者郗章則道
之顯於至明者來丹則又至陽之色也故

以父之讎而謀報黑卵請劍於衛孔周焉
夫有干越之劍者匣而藏之不敢用也寶
之至也道之利用若是故直之無前舉之
無上按之無下運之無旁決浮雲絕地紀
恢恢然其於游刃有餘地矣來丹受劍於
孔周徒用之以復讎而已故因黑卵之醉
自頸至腰三斬之則與夫上斬頸領下決
肝肺者無以異矣豈知所以用之道哉

周穆王大征西戎西戎獻鋹鍔之劍大統之
布其劍長尺有咫練網亦刃用之切玉如切

泥爲大浣之布浣之必拔於火布則火色垢
則布色出火而振之皓然疑乎雪此周書
所謂云皇
子以爲無此物傳之者妄蕭叔曰皇子果於
自信果於誣理哉

此一章斷後而說切玉劔大浣布者明上

之所載皆事實之言因此二物無虛妄者

卷五

十三

盧曰夫金之不能切玉者非器之利也布
之不能浣於火火不燒者物之異也天地
之內萬物之多有可以理求者亦有非理
所及者然則玉雖堅有可刻之理劔雖鐵

有必斷之鋒也以必斷之鋒當可刻之物
不入者自非至利耳非無可切之理焉況
已有之何所疑也又動植之類其性不同
有因水火而生者有因水火而殺者故火
山之鼠得火而生風生之獸得風而活人
約空立魚約水存然則火浣之纈非紵非
麻布名與中國等火與鼠毛同此復何足
為怪也果於自信不達矣夫
政和世之人以耳目所接者為有而以其
所不及者為無然八荒之外不可窮詰安

可以耳目所不及者遂以爲無哉

范曰切玉之刀火浣之布理固有之而拘耳目之用者必以爲無是物焉又烏能知極盡之際哉是篇必終之以此以明前之所載皆即當至理非徒侈空言以駭世故也

冲虛至德真經四解卷之十四

冲虚至德真經四解卷之十五

德四

和光散人高守元集

力命也張曰命者必然之期素定之分
以壽夭存於御養窮達係於知力此
或於天理也。虛曰命者必定之分
非力不成力者進取之非命不成就
有其命者必資其力有其力者或則

其命亦有力之不能致者无命也恃
命而不力求者候時也信命不信力
者失之遠矣信力不信命者亦非當
也。政和力有智愚命有窮達得喪
之差莫相為對不貳其心所以立命
。范曰古人有常言曰莫知致而
者命也又曰不知吾所以然而然者
命也夫命之在天未形有分且然无
同因豈力之所能制哉唯知其无
奈何而安之乘有德者不能與此

力謂命曰若之功異若我哉命曰汝異功於
物而欲比朕力曰壽夭窮達貴賤貧富我力
之所能也命曰彭祖之智不出堯舜之上而
壽八百顏淵之才不出衆人之下而壽四八
仲尼之德不出諸侯之下而困於陳蔡殷紂
之行不出三仁之上而居君位季札無爵於
吳田恒專有齊國夷齊餓於首陽季氏富於
展禽若是彼力之所能奈何壽彼而夭此窮
聖而達逆賤賢而貴愚貧善而富惡邪力曰
若如若言我固無功於物而物若此邪此則

若之所制邪命曰既謂之命奈何有制之者
邪朕直而推之曲而任之自壽自夭自窮自
達自貴自賤自富自貧

不知所以然而然者命也豈可以制也
朕豈能識之哉朕豈能識之哉

此篇明萬物皆有命則智力無施楊朱篇
言人皆肆情則制不由命義例不一似相
違反然治亂推移愛惡相攻情偽萬端故
要時競其弊孰知所以是以聖人兩存而
不辯將以大扶名教而致弊之由不可都

塞或有恃詐力以干時命者則楚子問鼎。
於周無知亂適於齊或有矯天真以殉名
者則夷齊守餓西山仲由被醢於衛故列
子叩其二端使萬物自求其中苟得其中
則智動者不以權力亂其素分矜名者不
以矯抑虧其形生發言之旨其在於斯嗚
呼覽者可不察哉

盧曰命者天也力者人也命能成之力能
運之故曰運命也莊子曰知不可奈何安
之若命是力不能運也孔子曰五十而知

天命不知命無以爲君子也然歷國應聘而思執鞭之士是不忘力也

政和命在天力在人力若可致也然在天者有非人所能勝則君子不謂力命在所聽也然在人者有非天所能違則君子不

謂命壽夭窮達貴賤貧富萬物之所受蓋有制之者矣爲其不敢迂也故直而推之爲其不可遏也故曲而任之既非力之所能使亦非命之所能違自然而已孰弊弊然以多識爲事故曰朕豈能識之哉

范曰時無止也故年有大小彭祖顏淵壽
夫之所不同也分無常也故勢有得失仲
尼殷紂窮達之所以不同也季札無爵於
吳田恒專有齊國其貴賤固異矣自道觀
之有所謂等貴賤者夷齊餓於首陽季氏
富於展禽其貧富固異矣自道觀之有所
謂同貧富者自然之分殆不可得而致知
故直而推之俾其各正而無私曲而仕之
俾其委順而無迂壽夭窮達貴賤貧富咸
其自取使之者其誰耶惟達命之情者不

務知之所無奈何故死生亦大矣不得與
之變而況得喪禍福之所介夫孰足以患
心已

北宮子謂西門子曰朕與子並世也而人子
達並族也而人子敬並貌也而人子愛並言
也而人子庸並行也而人子誠並仕也而人
子貴並農也而人子富並商也而人子利朕
衣則桓褐食則糲糲居則蓬室出則徒行子
衣則文錦食則粱肉居則連櫬出則結駟在
家熙然有棄朕之心在朝諤然有傲朕之色

請謁不相及。遨遊不同行。固有年矣。子自以德過朕邪。西門子曰。予無以知其實。汝造事而窮。予造事而達。此厚薄之驗歟。

謂德有厚薄也。

盧曰。吾所造皆達。汝所造皆窮。德之厚薄。

可見矣。

而皆謂與予並。汝之類厚矣。此宮子無以應。自失而歸。中塗遇東郭先生。先生曰。汝奚往。而反。僂僂而步。有深愧之色邪。此宮子言其狀。東郭先生曰。吾將舍汝之愧。與汝更之西。

門氏而問之曰汝奚辱北宮子之深乎固且
言之西門子曰北宮子言世族年貌言行與
子並而賤貴貧富與子異子語之曰子無以
知其實汝造事而窮子造事而達此將厚薄
之驗歟而皆謂與子並汝之顏厚矣東郭先
生曰汝之言厚薄不過言才德之差吾之言
厚薄異於是矣夫北宮子厚於德薄於命汝
厚於命薄於德汝之達非智得也北宮子之
窮非愚失也皆天也非人也

此自然而然非由人事巧拙也

而汝以命厚自矜北宮子以德厚自愧皆不
識夫固然之理西門子曰先生止矣子不敢
復言

問理
而原

盧曰西門子求之而遂命也北宮子求之
不遂亦命也不知命則有自矜之色自知
命則無憂愧之心得與不得非智愚非才
德也西門子不敢復言者知命之遂不敢
恃德也

北宮子既歸衣其袒褐有狐貉之溫進其菽
菽有稻粱之味庇其蓬室若廣廈之蔭乘其

華輅若文軒之飾終身追然不知榮辱之在彼也在我也

一達於理則外物多少不足以槩意也

盧曰知命則不憂不愧亦不知德之厚薄也

東郭先生聞之曰此宮子之寐久矣在四一言而能寤易怛也哉

盧曰寐者言未覺也及其寤也乃怛之常耳

○政和世族言行年貌相若而貴賤貧富窮

達相異北宮子非愚失也西門子非智得也失者以德厚自愧得者以命厚自矜皆在物一曲不通乎道非東郭其孰覺之予不敢復言特知其非是而已悟則其意也消於道也其庶幾乎

范曰命在天德在己古之君子修其在己者俟其在天者雖造事而達吾不以命厚而有所矜雖造事而窮吾不以德厚而有所愧安時處順哀樂不能入也北宮子衣則裋褐食則糲糲居則蓬室出則徒行可

謂窮矣彼不知其厚於德也乃以是而自愧西門子衣則文錦食則粱肉居則連櫨出則結駟可謂達矣彼不知其薄於德也乃以是而自矜詎識夫固然之理哉東郭先生辭而聞之然後聞言而悟者無深愧之色問理而服者去躬矜之行施於身者不顧人之文繡也衣其袒褐有狐貉之溫豈固以惡衣爲恥哉飽於內者不顧人之膏粱也進其義菽有稻粱之味豈固以惡食爲恥哉堂高數仞我得志弗爲也雖庇

其蓬室若廣厦之蔭矣從車千乘我得志
弗爲也雖乘其輦輅若文軒之飾矣終身
道然不知榮辱之在彼也在我也則又遊
券之內行乎無名其視物之儻來適去猶
觀雀蚊蚋之相過乎前耳詎足以易吾
使四之素履邪非知命不能進此

六

管夷吾鮑叔牙二人相友甚戚同處於齊管
夷吾事公子糾鮑叔牙事公子小白齊公族
多寵嫡庶並行

齊僖公母弟夷仲年生公孫無知僖公愛

之令禮秩同於太子也

國人懼亂管仲與召忽奉公子糾奔魯

糾襄公之次弟

鮑叔奉公子小白奔莒

小白糾之次弟

既而公孫無知作亂

襄公立絀無知秩服遂殺襄公而自立國
人尋殺之

齊無君二公子爭入管夷吾與小白戰於莒
道射中小白帶鉤小白既立

○ 小白即桓公也

○ 齊魯殺子糾召忽死之管夷吾被囚

齊告魯曰子糾兄弟弗忍加誅請殺之召
忽管仲辭也請得而烹醢之不然將滅魯
魯患之遂殺子糾召忽自殺管仲請囚也

鮑叔牙謂桓公曰管夷吾能可以治國桓公

曰我讎也願殺之鮑叔牙曰吾聞賢君無私
怨且人能爲其主亦必能爲人君如欲霸王
非夷吾其弗可君必舍之遂召管仲魯歸之
齊鮑叔牙郊迎釋其囚桓公禮之

鮑叔親迎管仲於棠阜而脫其桎梏於齊
郊而見桓公也

而位於高國之上鮑叔牙以身下之

高國齊之世族

任以國政號曰仲父桓公遂霸管仲嘗歎曰

吾少窮困時嘗與鮑叔賈分財多自與鮑叔
不以我為貪知我貧也吾嘗為鮑叔謀事而
大窮困鮑叔不以我為愚知時有利不利也
吾嘗三仕三見逐於君鮑叔不以我為不肖
知我不遭時也吾嘗三戰三北鮑叔不以我

爲怯知我有老母也公子糾敗召忽死之吾
幽囚受辱鮑叔不以我爲無恥知我不羞小
節而恥名不顯於天下也生我者父母知我
者鮑叔也此世稱管鮑善交者小白善用能
者然實無善交實無用能也實無善交實無
用能者非更有善交更有善用能也

此明理無善交用能非但管鮑桓公而已
盧曰言其命之所應用則因交而獲申非
是更別有善交用能也然則恃才獲用者
命也因交而達者力也非唯天時抑有人

謀人力而遂者皆歸於命命之來也鮑叔
不得不盡力桓公不得不用之皆命矣夫
召忽非能死不得不死鮑叔非能舉賢不得
不舉小白非能用讎不得不用

此皆冥中自相驅使非人力所制也

盧曰皆命成於力德四力成於命非有私焉

范曰管仲之於齊其視鮑叔則友也其視
桓公則君也分財自與而不以為貪謀事
窮困而不以為愚仕而三遂不以之為不
肖戰而三此不以之為怯幽囚受辱不以

爲無恥則鮑叔之於夷吾固得夫善交之道矣始有莒道之戰而射中帶鉤終有堂阜之迎而釋其桎梏位居高國之上號稱仲父之尊九合諸侯一匡天下則桓公之於夷吾固得夫用能之道矣管鮑善交而實無善交者桓公善用能而實無善用能者舍是而求豈更有善交更有善用能者哉是則莫之爲而常自然殆有不可得而致知者

及管夷吾有病小白問之曰仲父之病病矣

可不諱云

言病之甚不可復諱而不言也

盧曰將死不可諱言

至於大病則寡人惡乎屬國而可夷吾曰公
誰欲欺小白曰鮑叔牙可曰不可其爲人也
潔廉善士也清已其於不已若者不比之人
欲以已善齊物也

一聞人之過終身不忘不能棄使之理國上

且鈞乎君下且逆子民

必引君令其道不弘道苟不弘則逆民而

不能細矣

其得罪於君也將弗久矣小白曰然則孰可
對曰勿已則隰朋可而非君也然其爲人也上忘
而下不叛

居高而自忘則不憂下之離散

愧其不若黃帝而哀不已若者

慚其道之不及聖矜其民之不逮已故能
無棄人也

盧曰自忘其高自愧無德則進善之志深
矣不如已者哀而憐之則下人不離叛矣

以德分人謂之聖人

化之使合道而不宰割也

以財分人謂之賢人

既以與人已愈有也

以賢臨人未有得人者也

求備於人則物所不與也

以賢下人者未有不得人者也

與物升降者物必歸

其於國有不聞也其於家有不見也

道行則不煩聞見故曰不瞽不聾不能成

功

勿已則隰朋可

郭象曰若有聞見則事鍾於已而羣下無
所措其手足故遺之可也未能盡其道故
僅之可也

盧曰不責物之常情結四是不聞於國十也不求
人之小過是不見於家也

然則管夷吾非薄鮑叔也不得不薄非厚隰
朋也不得不厚厚之於始或薄之於終薄之
於終或厚之於始厚薄之去來弗由我也

皆天理也

盧曰夷吾之情非有厚薄此公薦也薦之則爲厚不薦則爲薄此皆力也桓公旣不用鮑叔鮑叔之命也用隰朋隰朋之命也使鮑叔無命而夷吾不施力焉而隰朋無命夷吾雖施力亦無益也

政和謂之有者以別於所無而謂之無者蓋以名其莫之有也世稱管鮑善交而曰實無善交蓋言其善與人交不可改及其爲交也莫之或有矣故曰實無善交者而

○又繼之曰非更有善交也稱小白善用能者而曰實無善用能蓋言其善用能不可
改及其善用能也莫之或有矣故曰實無
善用能而又繼之曰非更有善用能也天
下之事時勢適然者不得不然召忽之死
子糾之勢不得^也不死也小白之用夷吾時
不得不用也鮑叔舉夷吾於小白至夷吾
屬齊國之事則違鮑叔而薦隰朋是皆視
時與勢非私我與彼者當其時順其勢厚
薄終始吾何容心焉耳鮑叔之與人則和

而同故於交友之際則能全之鮑叔之行
已則清而失之隘故於理國之事則不足
以有任管仲厚之於始而薄之於終亦何
有於我哉曰賢君無私怨者明人君以天
下爲公曰不羞小節而恥不顯於天下者
明人臣當自重以天下之任以德分人者
善貸且成故謂之聖人然聖人之實不盡
於此以財分人者利下之事故謂之賢人
然賢人之實不盡於此

范曰老氏曰容乃公公乃王公也王也名

生於實惟公則可以爲公惟王則可以爲王若鮑叔之爲人不已若者有所不比一聞人之過終身不忘豈所謂能容者哉若隰朋之爲人上忘而下不叛愧不若黃帝而哀不已若者其於國有不聞其於家有不見則得夫容乃公之道矣管仲之對桓公以鮑叔爲不可以屬國非固薄之也不得不薄以隰朋爲可以屬國非固厚之也不得不厚薄厚之去來詎可容心於其間哉一本乎自然而已

鄧析操兩可之說設無窮之辭當子產執政
作竹刑竹刑鄭國用之數難子產之治子產
屈之子產執而戮之俄而誅之

此傳云子產誅鄧析左傳云駟歆殺鄧析
而用其竹刑子產卒後二十年而鄧析死
也

然則子產非能用竹刑不得不用鄧析非能
屈子產不得不屈子產非能誅鄧析不得不
誅也

此章義例與上章同也

○
盧曰作法者力也受戮者命也用其法者
亦力也誅其身者亦命也力其事者才也
才不過者亦命也

政和不得不用竹刑者時也不得不誅鄧
析者勢也

范曰謹按左氏春秋昭公二十年子產卒
定公九年駟歆殺鄧析而用其竹刑此則
言子產殺鄧析者是直寓言以明理而已
可以生而生

或積德履仁或遇時而通得當年之歡騁

於一己之志似由報應若出智力也

天福也

自然生耳自然泰耳未必由仁德與智力
然交復信順之行得騁一己之志終年而
無憂虞非天福如之何也

信四

十三

可以死而死

或積惡行暴或饑寒窮困故不顧刑戮不
賴生存而威之以死似由身招若應事而
至者也

天福也

自然死耳自然窮耳未必由凶虐與愚弱
然肆凶虐之心居不賴生之地而威之以
死是之死得死者故亦曰天福者也

盧曰居可生之時而得其生者爲天福也
居可死之時而得其死者亦天福也如夷
吾求生於齊桓之時而得遂其生者信爲
天福也如鋤麋之觸槐以取喪不辱君命
不傷賢才得遂其死垂名不朽亦天福也
可以生而不生

居榮泰之地願獲長年而早終

天罰也

願生而不得生者故曰天罰

可以死而不死

居困辱之地而不願久生而更不死也

天罰也

輕死而不之死復是天罰

盧曰居榮泰之地處崇高之位是可以生而不得生如董賢之類是也居困辱之地處屯苦之中是可以死而不得死如人彘之類是也求之不遂皆爲天罰也

可以生可以死得生得死有矣

此之生而得生此之死而得死

不可以生不可以死或死或生有矣

此義之生而更死之死而更生者也此二

者可上義已該之而重出疑書誤

法四

十四

然而生生死死非物非我皆命也智之所無
奈何

生死之理既不可測則死不由物生不在
我豈智之所如

盧曰不由於物亦不由我知不能運力不

能成然後可以任命矣

政和以順而至者謂之福以逆而降者謂之罰可以生而生可以死而死皆順其常然故謂之天福言天之所福應順而至也可以生而不生可以死而不死皆逆其固然故謂之天罰言天之所罰緣類而降也然或可以生而死或可以死而生若是者命之行也孰知其故哉故雖智者大迷而唯達者知通焉

范曰生也死之徒死也生之始孰知其紀

○ 惟原始反終而知死生之說者達命之情○
不務智之所無奈何

故曰窈然無際天道自會漠然無分天道自
運

無際無分者是自然之極自會自運者豈

德四

十五

有役之哉

天地不能犯

天地雖大不能違自然也

聖智不能干

聖神雖妙不能逆時運也

鬼魅不能欺

鬼魅雖妖不能詐真正也

自然者默之成之

默無也

平之寧之

平寧無所施爲

將之迎之

功無遺喪似若將迎

盧曰若合道成命天地不能違聖智不能
干運用合理應變如神鬼魅所不能欺何

C

○

動故平之寧之則處靜息迹而不累於有
其有爲也感而遂通天下之故故將之迎
之則應物不藏而不蔽於無

范曰窈者幽之極漠者定之至言天道窈
然至幽而物莫能窺故曰自會而已無有

口口

十八

際限天道漠然至定而物莫能撓故曰自
運而已無有分別天地雖大有所不能犯
聖智雖妙有所不能干鬼魅雖妖有所不
能欺生生死死咸有自然默之者不假手
辯說也成之者無事於贊虧也平之而已

則無欠無餘寧之而已則勿撓勿擾有以
將之斯能處適去之順有以迎之斯能安
適來之時知其不可奈何而安之若是非
至命者疇克爾

冲虛至德真經四解卷之十五

沖虛至德真經四解卷之十六

德五

和光散人高守元集

力命

楊朱之友曰季梁季梁得疾七日大漸

漸劇也

其子環而泣之請醫季梁謂楊朱曰吾子不

肖如此之甚汝奚不為我歌以曉之楊朱歌

曰天其弗識人胡能覺匪祐自天弗孽由人

我乎汝乎其弗知乎醫乎巫乎其知之乎

言唯我與汝識死生有命耳非醫巫所知

也

其子弗曉終謂三醫

不解楊朱歌旨謂與己同也

盧曰其子謁醫夫天命不能識乎人亦何能覺之耶天不別加福人亦不為過而遇病者此其命也夫我與汝尚不能知醫與巫何能知乎又將歌意我與爾能此疾我不能疾巫能之也

一曰矯氏二曰俞氏三曰盧氏診其所疾矯氏謂季梁曰汝寒溫不接虛實失度病由飢飽色欲精慮煩散非天非鬼雖漸可攻也李

梁曰衆賢也丞屏之俞氏曰汝始則胎氣不足乳湮有餘病非一朝一夕之故其所由來漸矣弗可已也季梁曰良賢也且食之

盧曰矯氏所說之病皆人事之失關乎力者也俞氏所說之病與形俱生受氣不足不可差也

盧氏曰汝疾不由天亦不由人亦不由鬼稟生受形既有制之者矣亦有知之者矣

夫死生之分脩短之期咸定於無爲天理之所制矣但愚昧者之所惑玄達者之所

悟也

藥石其如汝何季梁曰神醫也重貺遺之俄而季梁之疾自瘳

盧曰盧氏所說之病乃由乎神神之所造有功有過神者報神之器也神以制之矣

卷五

未受於形神以知之矣神既不足形乃隨之長短美醜質形已定矣藥石豈能愈之季梁以爲神醫修神養德而病自愈

范曰動與過疾所生也醫能已此有疾而待治者不如吾聞而藥之可也然無妄之

疾勿藥有喜雖病者能言其病庶幾其有
瘳然則非藥石之所能攻者季梁得疾七
日大漸其子環而泣之則常人之所昏迷
而顧惜之也季梁謂楊朱曰吾子不肖如
此之甚汝奚不爲我歌以曉之則欲其推
死生之理以警悟之也奈何樸鄙之心終
焉而弗去故於是爲之謁三賢焉矯氏則
逆性命之理而有所攻故曰衆醫俞氏則
順性命之情而無所治故曰良醫若夫盧
氏則原始反終知其默有制之者而湯劑

礎石無所復加非進乎技而與乎神孰能
至此故李梁以是為神醫也古之人有疾
入靈府病在膏肓者而神醫皆以為不可
治而信之殆亦盧氏之類歟

生非貴之所能存身非愛之所能厚生亦非

身

三

賤之所能大身亦非輕之所能薄故貴之或
不生賤之或不死愛之或不厚輕之或不薄
此似反也非反也此自生自死自厚自薄或
貴之而生或賤之而死或愛之而厚或輕之
而薄比似順也非順也此亦自生自死自厚

自薄

范曰生非汝有是天地之委和也身非汝有是天地之委形也或生或死或厚或薄豈人之所能違哉咸其自然耳

鬻熊語文王曰

鬻熊文王師也

自長非所增自短非所損算之所亡若何算猶智也

盧曰若知形報為則無以其私情私情者有貴有愛有賤有薄者也形骸不由情之

所厚薄則得之以順違之似反其實非反
非順也亦猶長短好醜豈由情愛所遷耶
智算所無可奈何也

范曰鶴脰雖長斷之則憂非固增之也鳧
脰雖短續之則悲非固損之也長短相形
有數存焉於其間雖巧歷不能計而況其
凡乎是以大椿朝菌久近不齊彭祖殤子
壽夭不等冥冥之中咸有定分詎可以差
數觀哉

老聃語關尹曰天之所惡孰知其故

王弼曰孰誰也言誰能知天之意耶其唯聖人也

言迎天意揣利害不如其已

夫順天理而無心者則鬼神不能犯人事

不能干若迎天意料倚伏處順以去逆就

此五

利而違害此方與逆害為巨對用智之精

巧者耳未能使吉凶不生禍福無盡也

盧曰夫不知道者寧知天之所愛惡乎若

預迎天意揣度利害以徇私情不知順理

而任命也此章言力不能違命命不可預

知任之則後時力之則違命所以愧夫知
道之修神養真造業之始創力轉命以我
乎夫者也

政和命有所制則天且不能知也而也於
人乎匪祐自天弗孽由人則禍福唯所召
而災祥以類應非天之所私而亦非人之
所能爲也巫醫技之賤者爾命之所制雖
智所不能知病而求醫謂彼乃能知此耶
三醫曰矯氏曰俞氏曰盧氏矯言拂而治
之俞言順而理之盧言總一其理而冥之

也蓋曰寒溫不節虛實失度則知其疾之
在人而已不通乎命是拂而治之者也曰
胎氣不足乳哺有餘則知疾之所受於天
而已安之若命是順而理之者也若夫疾
不由天則非俞氏之所治疾不在人則非
矯氏之所攻莫知所以然而然是命之行
也雖有藥石將焉用之此之謂總一其理
而冥之者謂之神醫不亦宜乎貴生者養
形以存生愛身者不以養傷身然非所以
完身養生也蓋徇物既不免於危身生而

○
憂戚不得者又不免於愁身傷生惟無以
生爲者是賢於貴生也蓋生非貴之所能
存而亦非賤之所能夭故也唯忘身者乃
能無患蓋身非愛之所能厚而亦非輕之
所能薄故也故貴之或不生賤之或不死
愛之或不厚輕之或不薄由理之常觀之
此似反也而安之命則非反也或貴之而
生或賤之而死或愛之而厚或輕之而薄
由理之變觀之此似順也而制於命則非
順也凡此皆其自然故皆曰自生自死自

厚自薄鶩熊之言曰自長非所增自短非
所損言自然者不可得而增損經曰天之
所惡孰知其故言自然者不可得而窺測
此古之真人所以不以故滅命

范曰疇於人者侔於天人之所利天之所
惡人孰從而知之耶迎天意揣利害則智
有時而困矣乃前識者所以爲道之華愚
之始也上天之載無聲無臭豈可俄而度
哉故曰不如其已

楊布楊朱弟也問曰有人於此年兄弟也言兄弟

也才兄弟也貌兄弟也而壽夭父子也貴賤父子也名譽父子也憎愛父子也吾惑之

盧曰年言才貌相似也故云兄弟也壽夭貴賤隔懸也故云父子也此命之難知也故疑惑也

揚子曰古之人有言吾嘗識之將以告若不知所以然而然命也

自然之理故不可以智知

今昏昏昧昧紛紛若若隨所為隨所不為日去日來孰知其故皆命也夫

盧曰衆人所不知以爲自然昏昏昧昧日
去日來運行無窮者人以是爲命也乎

信命者亡壽夭

有壽夭則非命

信理者亡是非

有是非則非理

信心者亡逆順

有逆順則非心

信性者亡安危

有安危則非性

則謂之都亡所信亡所不信

理亦無信與不信也

真矣慤矣美去矣就矣哀矣樂矣為矣不為
理苟無心則無所不為亦無所為也

盧曰壽夭者命也是非者理也逆順者心

性五

也安危者性也使夫信命者亡壽夭信理
者亡是非信心者亡逆順信性者亡安危
則謂之都亡所信亡所不信然後至於真
道也亦何去何就何哀何樂何所為何所
不為哉此之謂至道也

范曰兄弟天倫也所以言其同父子天屬也所以言其異有人於此年均也而壽夭則異言均也而貴賤則異才均也而名譽則異貌均也而憎愛則異孰使之然哉自然而已矣自然之理不可致知故昏昏昧昧則冥而已無所用見紛紛若若則順而已無所於逆隨所爲隨所不爲吾無容心也知去來之非我無變亂於心慮又孰知其故哉莫知致而至者宜在於此故歸之於命也夫信命者亡壽夭則彭殤定分等。

○
之爲一條信理者亡是非則堯桀自然同
之爲一貫信心者亡逆順未嘗背逆而嚮
順也信性者亡安危未嘗去危而即安也
道其至此信與不信亦將泯矣故真則止
一而不妄慤則完實而不毀去就哀樂無
所復分何爲乎何不爲乎固將自化

黃帝之書云至人居若死動若械

此舉無心之極

亦不知所以居亦不知所以不居亦不知所
以動亦不知所以不動亦不以衆人之觀易

其情貌亦不謂衆人之不觀不易其情貌

不爲外物視聽改其度也

獨往獨來獨出獨入孰能礙之

物往亦往物來亦來任物出入故莫有礙
盧曰居若死無心也動若械用機關也如

卷五

木人之運動有何知哉不在乎情不在乎
貌也神遊而已矣誰能礙之耶

政和兄弟以言先後之倫父子以言上下
之等才貌言年在己者也壽夭貴賤名譽
愛憎在外者也年同而壽夭異言同而名

譽異才同而貴賤異貌同而愛憎異凡以
在己者出於固然而在外者蓋有不可得
而必者也理有自然有使然所謂莫知所
以然而然命也者既莫知其爲自然又莫
知其爲使然也昏昏昧昧言不可明紛紛
若若言莫之能定隨所爲隨所不爲言其
應而不藏日去日來言其運而無積夫如
是孰能知之故曰孰知其故皆命也夭壽
不貳修身以俟之所以立命故信命者亡
壽夭是是非非之謂智而智所以必窮理故

信理者亡是非人心順之則喜逆之則怒
故信心者亡逆順人之性得之則安失之
則危故信性者亡安危信者任其自然之
謂也雖然一於信猶有所係也惟亡所信
亡所不信然後爲至真矣則無喜怒哀則
著誠若是者無入而不自得也故曰異去
矣就異哀樂異爲異不爲至人居若死
者寂然不動之謂動若械者若機械之運
亦不知所以居亦不知所以不居謂其雖
靜而居亦未嘗滯於靜而所以爲靜者有

不知也亦不知所以動亦不知所以不動C
謂其雖動而出亦未嘗流於動而所以爲
動者有不知也亦不以衆人之觀易其情
貌亦不以衆人之不觀不易其情貌則萬
態不能變於己獨往獨來獨出獨入其運

無乎不在者也夫孰能礙之

范曰古之得道者冥然而止若立槁木成
然而行若曳槁枝居而無所係動而無所
逐固未嘗以外物之變遷而芥蒂於胸中
也出入六合遊乎九州獨往獨來獨出獨

入無得而偶之者是遺物而立獨也是朝
微而見獨也又孰有與道大蹇而觸遽生
患者哉

墨音眉尿音矢

盧曰默詐佯愚之狀

單音戰至音哇

盧曰輕動之狀也

嗶音然咍音啞

盧曰迂緩之狀也

慙音妨慙音敷

此皆默詐輕發迂緩急速之貌

四人相與游於世胥如志也窮年不相知情
自以智之深也

○ 盧曰同游於終年不相知名自以為善也

巧佞 盧曰辯諂之狀也

愚直 盧曰質朴之狀也

婢魚所 婢所不解悟之貌

盧曰愁駭之狀也

便辟 盧曰折旋之狀

四人相與游於世胥如志也窮年而不相語
術自以巧之微也

盧曰同游於世終年不相訪各自以為巧

妙也

糝若怵牙苦 盧曰頑戾強愎之狀也

情露 盧曰不隱之狀也

譏

音極

盧曰訥澀之狀也

凌訛

音碎

此皆多訛訥澀辯治之貌

盧曰尋間語責之狀也

四人相與游於世胥如志也窮年而不相曉
悟自以為才之得也

盧曰各自以為才能

眠

莫徒

盧曰無精采之狀也

誣

止誣如

盧曰並煩重之貌

勇敢

盧曰雄健之狀也

怯疑 眠疑不開通之貌 諛諂煩重之貌

盧曰懦弱不決之狀

四人相與游於世胥如志也窮年不相譴發
自以行無戾也

盧曰各自以為適宜得中之道也

卷五

十一

多偶 盧曰和同之狀也

自專 盧曰獨任之狀也

乘權 盧曰用勢之狀也

隻立 盧曰孤介之狀也

四人相與游於世胥如志也窮年不相顧盼

自以時之適也此衆態也貌不一而咸之於
道命所歸也

盧曰變詐巧辯愚拙佞直衆態不同而皆以爲命者理不然矣今說者言受氣有厚薄故如此不同一皆委之於天更無可奈何者此不知者也故知道之士養其神舍其真易其慮變其身彼形骸自我而造也力其行移其命此皆生生者之功美矣然則因形以辯命則力不如命因力以徵形則命不如力也

政和墨戾言其質無所通單至言其行有
所達單咄以言性之緩慙慙以言其心之
急自以為智之深者蓋各以其所知者如
此也巧佞者詐愚直者誠辨斫者剛立之
稱便辟者柔從之貌自以為巧之微者蓋
各以其所能者如此也矜忤者心有所藏
情露者事無所隱諛極者吃訥之至凌誣
者辯說之給自以為才之得者蓋各以其
所得者如此也眠姪者若不力於行誣諉
者若不敏於言勇敢則爭先怯疑則就後

自以為行無戾蓋各以其所行者如此也
多隅者同乎衆自專者異於衆乘權者則
依勢而行隻立則獨居而處自以為時之
適蓋以其所遇者如此也是衆態者各生
於心之所能故心既不同則貌亦不一此
上
所以自徇殊面而名聲異號也十二雖然有所
行者必由於道由於道者必聽於命是衆
態者或有所止或有所差而均由於道聽
於命故曰咸之於道命所歸也

范曰衆志異慮有所止者有所差羣趨殊

方有所拂者有所宜然自以智之深者窮年不相知情自以巧之微者窮年不相語術自以才之得者窮年不相曉悟自以行無戾者窮年不相譴發自以時之適者窮年不相顧眄紛紛之衆態貌各不同然皆相與游於世胥如志也殆亦任其真性而然耳

佹佹

危姓

成者俏成也

俏音肖
俏似也

盧曰魏魏者幾欲之狀也俏者似也

初非成也佹佹敗者俏敗者也初非敗也

世有幾得幾失之言而理實無幾也

盧曰已欲成而不成者似於成而非成也
垂欲敗而不敗者似於敗而非敗也

故迷生於俏

惑其以成敗而不能辯迷之所由也

俏之際昧然於俏而不昧然

際猶會也言冥昧而難分耳

盧曰人之所迷生於似者也不了也不了

則昧然矣若相似而不昧然斯謂明也

則不駭外禍不喜內福

禍福豈有內外皆理之玄定者也見其卒
起因謂外至見其漸著因謂內成也

隨時動隨時止智不能知也

動止非我則非謂所識也

盧曰所謂明者了於性通於神力之所以
生命之所以成故無外禍可駭懼無內福
可忻喜動止隨時不須智度也

政和佹者幾欲之貌俏者肖似之稱佹佹
成者幾欲成而非成也故曰俏成也初非
成也言似成而非也佹佹敗者幾欲敗而

非敗也故曰俏敗也初非歟也言似敗而非也自迹觀之成敗之幾間不容髮自理觀之毫釐之差速以千里此昧者所以生迷於疑似之際而終莫能悟也故曰迷生於俏俏之際昧然若夫達人之觀則朝徹

見獨所以於俏而不昧然成敗之端無變於已所以不駭外禍不喜內福動止不違其時而未嘗留情焉所以隨時動隨時止若是則非智所能識也故曰智不能知也

○信命者於彼我無二心

○

無喜懼之情也

於彼我而有二心者不若掩目塞耳背坂面
墮亦不墜什也

此明用智計之不若任自然也

盧曰若能彼我無二心則吉凶悔吝不生

德五

十四

矣苟不能知命任理則全身遠害且免傾
墜顛仆也是以世人不怠於力求而不能
委於命也

范曰天下萬物迭廢迭興倏起倏滅成敗
之機相尋於無窮故幾於成者初非成也

倘成而已幾於敗者初非敗也倘敗而已
倘似之際疑而弗決迷之所由生也聖人
觀變化之無窮識盈虛之有數超然自得
不累於物禍亦不至福亦不來動止隨時
一無所迁豈容私智於其間哉信於命而
彼我無二心莫之爲而常自然而已

故曰死生自命也

若其非命則仁智者必壽凶愚者必夭而
未必然也

○貧窮自時也

若其非時則勤儉者必富而奢情者必貧亦未必然也

盧曰子夏曰死生有命富貴在天天者時也陽和布氣羣物皆生聖人利見含靈俱暢自我而定謂之命因化所及謂之時也

卷五

十五

怨夭折者不知命者也怨貧窮者不知時者也

此皆不識自然之理

當死不懼在窮不戚知命安時也

盧曰知命安時德之大也時來不可俱命

至不可却故曰安時而處順憂樂不能入
戚生於肖似迷生於不知時焉

政和直然無間之謂命故信命者於彼我
無二心於彼我而有二心則爲有間矣有
心者不能致夫道而致道者忘心故有二
心者不若拚目塞耳背坂面隍而不墜仆
蓋拚目塞耳者黜其聰明背坂面隍者無
所顧望若是者驚懼不入於習次所以亦
不墜仆也此雖未通乎命然猶愈於彼死
生自命者言制之於彼貧窮自時者言所

遇不在我命在彼而夭壽不貳君子俟命而已則怨夭折者豈知命者哉時在彼而貧達不同君子待時而已則怨貧窮者豈知時者哉惟當死不懼則以死生為晝夜此知命者也在窮不戚則以窮通為寒暑之序此安時者也

其使多智之人量利害料虛實度人情得亦中亡亦中也中半其少智之人不量利害不料虛實不度人情得亦中亡亦中量與不量料與不料度與不度異以異

盧曰凡料天下之事十得五中者必爲善料也而少智不料亦得半矣有何異也

唯亡所量

不役智也

亡所不量

任智之所知也

盧五

十六

則全而亡喪亦非知全亦非知喪自全也自亡也自喪也

自全者非用心之所能自敗者非行失之所致也

盧曰假使勤心苦志料得其半則不如無料而全其生勞思慮者不知命無所料者不知力不知力者乃近於道矣故去彼取此而已

政和事有利害理有虛實人之情有誠偽非多智所能度非少智所不能度茲所以失得各半也必以多智為必得是無天也必以少智為必亡是無人也故曰量與不量料與不料度與不度奚以異唯冥而一之付之自爾則幾乎以其真

范曰命可聽而不可違時可因而不可違
怨夭折者非知命也怨貧窮者非知時也
唯君子為能知命安時故視死生為晝夜
之常當死不懼未嘗惡死視窮通為寒暑
之序在窮不戚未嘗醜窮豈嘗弊精神矣

億度以鑒為智哉

卷五

十七

齊景公游於牛山北臨其國城而流涕曰美
哉國乎鬱鬱芊芊若何滴滴去此國而死乎
使古無死者寡人將去斯而之何史孔梁丘
據皆從而泣曰臣賴君之賜跪食惡肉可得

而食駑馬駘車可得而來也且猶不欲死而
況吾君乎晏子獨笑於旁公雪涕而顧晏子
曰寡人今日之游悲孔與據皆從寡人而泣
子之獨笑何也晏子對曰使賢者常守之大
公桓公將常守之矣使有勇者而常守之則
莊公靈公將常守之矣數君者將守之吾君
方將被蓑笠而立乎畎畝之中唯事之恤行
假念死乎

行既當
作何狀

盧曰死而復生者人咸歸於釋論道書與
儒教髣髴而不明言之今比云吾君方將

被蓑笠而立乎畎畝之中者則死生之理
灼然可詳矣是知力以成命成命而後生
則生之功可見矣

則吾君又安得此位而立焉以其迭處之迭
去之至於君也而獨爲之流涕是不仁也見
不仁之君見諂諛之臣臣見此二者臣之所
爲獨竊笑也景公慚焉舉觴自罰罰二臣者
各二觴焉

政和晏子曰善哉古之有死也仁者息焉
故以流涕爲不仁

范曰天與地無窮人死者有時操有時之具託無窮之間忽然無異騏驎之馳隙也然則有國之君雖欲長守得乎哉景公泣於牛山蓋不知此宜乎晏子之竊笑也

魏人有東門吳者其子死而不憂其相室曰

傳五

十八

公之愛子天下無有今子死不憂何也東門吳曰吾常無子無子之時不憂今子死乃與嚮無子同臣姜憂焉

政和子孫非汝有是天地之委蛻也其來不能却其去不能止則有子非所喜而亡

子非所患非達性命之情何以與此
農赴時商趨利工追術仕逐勢勢使然也然
農有水旱商有得失工有成敗仕有遇否命
使然也

自然冥運也

盧曰夫士農工商各趣利而逐勢者力所
爲也水旱成敗否泰者力所不能成則委
命以自安之是收其操楡而不損護也世
人皆以無可奈何乃推之於命耳不能力
求者迷於似得者也東門吳善安於命者

也非謂善於知命者也若生者有生生者
是得夫所以造吾命者復安肯委命於生
者是得夫所以迭處迭去也若知命者當
委命而任力焉

政和勢在人命在天在人者可以力爲在

卷五

十九

天者不可以力致士農工商舉天下之民
不過此四者赴時趨利追術逐勢我所能
也水旱得失成敗遇否我所不可能也所
可能者在人所不可能者在天人之不勝
天也久矣故列子論力命之說以此終篇

范曰赴者趣之緩也追者逐之緩也關土殖穀曰農故所赴者時通財鬻貨曰商故所趣者利工相與議技巧於官府則追術而已士相與言仁義於宴間則逐時而已朝夕從事不見異物而遷焉勢使之然也若夫農有水旱商有得失工有成敗士有遇否則非勢之有也蓋亦有命存焉